



## Universitätsbibliothek Paderborn

**Canonicorvm Regvlarivm Ordinis S. Avgvstini Origines ac  
Progressus, Per Italiam, Hispaniam, Galliam, Germaniam,  
Belgium, aliasque orbis Christiani prouincias**

**Le Mire, Aubert**

**Coloniae Agrippinae, 1614**

Capvt XXXIII. Qvercetvm Abbatia Apvd Brugas Flandriae vrbem: Item  
Abbatia Sancti Trudonis, monialium.

**urn:nbn:de:hbz:466:1-11321**

NO ORIG. CANON. REGVL.

xisset, in dicto S. Crucis cœnobio sepultus:  
Idem fundauit *S. Vincentij* cœnوبium apud  
*Olisiponem* Portugaliæ metropolim.

*S. Vin-  
centij.*

CAPUT XXXIII.

QVERCETVM ABBATIA APVD  
Brugas Flandriæ vrbem: Item Abbatia  
Sancti Trudonis, monia-  
lium.

1050. **A**NNO CIOL. in suburbano Brugensi con-  
ditum est cœnوبium Regularis discipline,  
cui nomen Quercetum. Ita Meyerus in Annali-  
bus Flandriæ. Fuit id fundatum in honorem  
Sancti Bartholomæi, euocatis primùm reli-  
giøsis ex Tornacensi monasterio Sancti Mar-  
ci, seu S. Nicolai in pratis. Flandricè nuncu-  
pant *Oechoudt*; fuitq; hæc Abbatia olim vnà  
ex ijs, quæ ad Congregationem Aroasien-  
sem spectabant: de qua vide suprà capit.de-  
cimo.

Libet his subiecte Quercetanæ Abbatia  
foundationem, ex illius loci tabula quadam  
manuscripta.

Anno redemptionis Dominicæ nongen-  
tesimo sexto, qua tempestate *Dominus Vdalri-*  
*cus*, idem Nouiodunensis, & Tornacensis Epi-  
scopus, cathedram regebat, in parœciali Ec-  
clesia S. Trudonis, in Pomerio vrbis Bru-  
gensis, non procul à lapideo magno ponte  
posita,

posita, in loco *Odeghem* nuncupato, sacrum initium habuerunt fratres quidam dicti de Cappella, sub auspicijs Prioris cappas, quas vocant, nigras gestantes, in morem Gulielmitarum. Hi fratres, locum præfatum in eodem ritu, ac statu tenuerunt annis centum & tribus, nimirum ab anno nongentesimo septimo, usque ad annum millesimum decimum. Quo quidem anno, rem sacram promouente illo, de quo suprà diximus, reuerendissimo Domino Vldarico ijdē fratres de Cappella, facti sunt Canonici Regulares, ad normā veteris instituti S. Augustini. Quod sanctum institutum ab eodē S. Augustino in Hipponeensi ciuitate, prouinciæ Africanæ, primitus ordinatum fuit, circiter annum Domini 394.

Porrò hoc loco constituti, in societatem eiusdē nimirum instituti & muneris, eodem loco Canonicos quosdam Regulares veteris instituti S. Augustini, ab Aroasiæ monasterio nomen trahentes, ad se perduxere, simulque coaluere. Hi aut Aroasię regulares Canonici, de quibus diximus, initiū habuere anno Domini millesimo. Ex quo fit, ut anno decimo, post institutionem Canonicorum Regularium, prisci instituti sancti Augustini de Aroasia, prædicti fratres, de Capella Canonici eiusdem instituti facti sint. Postremò in præfato loco post commutationem

ordi-

An. 1000.  
aut circ.  
ter.

ordinis, de quo supra attigimus, permanse-  
runt annis sex, nimirum usque ad annum  
Domini millesimum decimum sextum. Quo  
anno ad celebrem locum, iuxta Brugas,  
*Quercetum* appellatum, à quercuum ibi con-  
sitarum multitudine, domicilium suum, ac  
sedem transtulerunt. Quo quidem in loco tā  
antiquitate, quam religione venerandus *Eue-  
relmus*, prisorum in Thebaide Eremitarum  
mortalibus nostris vitam repræsentans post-

1048. quam anno millesimo quadragesimo octauo  
anachoreticam vitam omnium piorum cal-  
culis suffragijsque obsolutissimam seuerè a-  
gere cœpisset, candemque annis duodecim,  
eodem feroore ac tenore ibidem continua-  
set,

1060. die secunda mensis Octobris anno Do-  
mini millesimo sexagesimo, in suæ cellulæ sa-  
crario obiit, & ibidem sepulturam inuenit.

1116. Anno millesimo cétesimo decimo sexto, po-  
stequam prædicti Canonici, in *Querceti* lu-  
co iam diu commorati essent, in parœciali

*Moniales*  
*S. Trudo*  
*nis in Ode*  
*ghen.* Ecclesia Sancti *Trudonis* in *Odegem*, ad formā  
ordinis & iustituti sui Moniales, ijsque præ-  
fectam Priorissam constitui procurarunt,

quarum gubernationem & regimen. cùm so-  
licitæ prouisionis curatam in spiritualibus,  
quām temporalibus centum triginta duobus  
annis habuerunt, scilicet, ab anno Domini  
millesimo centesimo decimo sexto, usque ad

1248. annum millesimum ducentesimum quadra-  
gesimum

gesimum octauū. In cuius anni decursu multis difficultatibus, inter dictos Canonicos ex vna parte, & forores ex altera subortis, tandem aliquando mensis Augusti die vigesima prima reuerēdissimus in Christo Pater Vvalterus Tornacēsis Episcopus (consilium suum & auctoritatem interponentibus, reuerendo Domino Abbe Dulcis Vallis, *suetendale* nuncupati, & illustrissima Margareta, Flādriæ & Hannoniæ Principe, ac Comitissa) indicauit dictas forores cum Priorissa, in perpetuum liberas, & absolutas esse ab omni gubernatione, administratione, seu promissione, quas præfati Canonici in eum diem tam in spiritualibus, quam temporalibus iure suo sibi reseruarant. Post cuius decreti sententiā easdem moniales à prædictis Canonicis segregauit, absoluītque, assignans præfatis Canonicis partem vnam, dictisque fororibus partem alteram facultatum, bonorumque temporalium, quæ consuerant esse communia. Nec illud prætermittendum est reuerendissimum Tornacensem, de quo postremò diximus, ordinem dictarum Monialium & Priorissæ transtulisse, ad ordinem & regulam S. Augustini, sanctique Victoris & illius ordinis fororibus conuocatis, simulque collatis, ex Priorissa Abbatissam constituisse, itemq; *s. Trudo-* ad eius rei firmamentum, perpetuamq; memoriā impetrasse eis à sancta sede Aposto-

*Abbatia.  
monialium  
s. Trudo-  
nis.*

H lica

lica robur & confirmationem. Nimirum eodem tempore, quo *Gosuinus* huius Quercetani cœnobij Antistes fuit, *Vililia* quoq; sancti Trudonis Abbatiam obtinuit.

Anno vero Domini millesimo ducentesimo sexagesimo primo, in ferijs sanctæ Mariæ Magdalenæ, præfatum illud monasterium S. Trudonis, quod iuxta magnum pontem lapideum situm diximus, fulmine deflagravit: post quam calamitatem in loco, quo etiamnum eius vestigia ceruntur, per præfatam serenissimam Principem Margaritam Flædræ & Hannoniæ comitissam, translatum ac redicatum fuit. Quarum postremo sororum cœtus, Sancti nimirum Trudonis, nunc Brugis, cum priùs monasterium ab hereticis dirutum, & solo æquatum esset, ad S. Bauonis domicilium se recepere, tibiique adiunxere conuentum qui quondum fratrum tertij ordinis S. Francisci fuit. Haec tenus ex tabula manuscripta.

Operæ pretium fuerit dictis addere, quæ de eiusdem monasterij S. Trudonis me legere memini in Chronico MS. Trudonensi.

*Beatus Trudo habuit, ex parte patru Dominiū villa Brugis nuncupatum, cum suis attinentijs, que modo est opidum famosum in terra, quæ vocatur Flandria, iuxta quod opidum monasteriū nigrorum monialium, quasi ad dimidium miliare sitū est, habens de nomine B. Trudonis sortitum vocabulū scilicet*

scilicet S. Trudonis istud monasterium ipse B. Trudo ibidem in proprio suo allodio fundauit & dotauit, & in eo LXX. monachos instituit. Sed quæ causa postea immutatio sexus contigit, nescitur.

Hactenus ex Chronico M S. Trudonensi, quæ hic obscurius dicuntur, libet clari<sup>o</sup> distin-  
ctiusq; efferre, ex literis Ioanne Plassiæ, ei<sup>o</sup> lo-  
ci Abbatissæ iam olim datis ad Ioanné Latomū, Canonicorū Regulariū Priorē in Thro-  
no B. Mariæ apud Herentaliā Brabantia opidum. Earum hæc erat sententia.

B. Trudo loci huius princeps fuit, & cœnobium <sup>Basilica</sup>  
condidit, vbi nunc intra urbē Brugensem <sup>S. Marie</sup> Basilica  
est B. Virginis; in quo collocauit abbatem cum 80+ <sup>Brugis</sup>  
monachis, ex instituto S. Benedicti. Sed post 239<sup>o</sup> <sup>que est</sup> hodie col-  
annos, Danis & Hunnis omnia vastatibus cœno- legiata,  
bium fuit euersum, iacuitq; desertum, usque ad  
tempora Baldrici Nouiomensis & Tornacensis E-  
piscopi qui adductis aliunde cœnobitis, sed nullius  
certi instituti, monasterium instaurauit: quod non  
multo post in regulam seu institutum S. Augustini  
concessit; admissis in societatem monialibus, anno  
nimirum 1110. Carolo autem Dano rerum apud  
Flandros potito monasterium traductum fuit ex-  
tra opidum, in locum à lapideo, ponte haud procul  
distantem, qui Odegem dicitur. Sed anno Chri-  
sti 1134. Theodoricus Elsatius Flandriæ Comes  
rursum intra mœnia locum concessit, qui à multi-  
tudine quercuum Querchetum dicebatur, quod  
nomen illi adhuc hodie supereft. At vero  
traducti

traducti sunt tantummodo viri, monialibus in dicto loco extra urbis mœnia remanentibus; communia tamen omnium fortunarum & nomine & possessione. Qua in rerum communione manserunt, usque ad annum 1248: quo tempore, Margareta Flandriæ & Hannoniæ Comitissa apud Gualterum Tornacensem Episcopum instantे, per Abbatem Valli ducis, moniales, quo ad fortunas, resque omnes, à Quercetanis monachis se iunctæ sunt. Sed duodecimo post anno, cum monialium cœnobium fulmine tactum penitusque exustum esset, locum illum execrantes, haud procul inde, apud Contracenses nouum monasterium adificarunt, in quo etiamnum habitant. Hæc ferè anno 1559. Ioanna Plassia Antistita, ex loci monumentis ad Latomum transscripsit.

## CAPUT XXXIV.

S. NICOLAI MONASTERIVM, IN  
vrbe Patauiensi, seu Passauensi, apud  
Germanos.

**D**E fundatione huius monasterij, ita scribit Auentinus: Altmannus Episcopus Patauiæ, auxilio Agnetis Augusta & Hērici Neoburgensis, extra mœnia urbis Aurelianis mysticū monasterium extruxit, circa annum 1050. Literæ fundationis habent annum 1074. De Henrico Neoburgensi in illis nulla mentio, sed de ope aliorum nobilium, & quod hoc sit factū manu